

تبكي عليك الأرضُ والسماءُ والعرشُ والأملأُكُ بالدماءُ
واحسيناه واحسيناه واحسيناه واحسيناه

من حزنهـا ليلة الوحشة إحتوت كل الرزية
صـوَّبـنـها زينب جروح وغصص بالغازية
إسـوـد جفنهـا السهر ذبل عيون الهاشمية
كـل شـجـنـها تحرس الخدر من سياط الدعية

من صبـرـها زينب ماتحملـه الرواسي
وبصـغـر عمرهـا صابرة وتواسي
شـاـفت البتولة إمن العدا تقاسي
إنـكـسر ضلعـها ثم ابتدت مآسي

حرقـة الدار ابتدت قصة حزن بالهم طويلة
تشـتـعل نار هية نفس النار من زمرة رذيلة
تـطـلب الثار تدري ثار المرتضى بسبي العقيلة
نفس لـشـرار تتضرب بنت الوصي والله ثجيلة

من تنادي بويه يأمـظـهر العجائب
دنيتي بهضيمة راوتني النوايب
بالحظة ياهي صعبة أفقد ضوا الحبايب
أمشي باليتامي وأستقبل المصايب

ندبتك يابوية وإليه ماتحضر
تجيني سبية المتن مني أحمر
مشينا وظل تريب حسين عالغبرا وسيوف الطاغية في جسمه اتوذر
يابوية والشمر منه قطع نحره ورأسه بالرُمح دم تنزفه الطيرة

أني بعز إخوتي بضواهم أميرة
غريبة بيتامي أسافر بحيرة
بعد ذاك الخدر مسبية سموني ييرت بما جرى معيه اعيوني
ولا نوق الهزل للشام ايركبوني أسيرة والعدا كلهم ينظروني

يا كفيلى
يا كفيلى
يا كفيلى
يا كفيلى
أذكر أيام المهـد من ناظرتتى
أقرا بعيونك كـفـالة لازمـتى
لكن الليلة المآسى سلبتنى
وآنى من بعدك يخوية دهري فتنى

اعيونى ماردتها
خيالك الكسرنى
ادري بالجرى لك
السهم بعينك
لو هية ماتشوفك
كل ماتمر طيوفك
يابوالفضل ظروفك
ومقطعة جفوفك

إعذرينى
إعذرينى
إعذرينى
إعذرينى
جرحي أعظم من سهم يابنتٍ لطهار
من قبل حرق الخيم قلبى اشتعل نار
ماقدر انظر لـج واشوفج بين لشرار
ساعة اوداعج يازينب تحمل أسرار

كل العدا ترمينى
جفوفى يزيب طاحت
رمح الغدر صوبنى
لكن لشد أوأصعب
وجروحي بالطف كثرة
متقطعة يمنة ويسرة
وبراسى جم من طبرة
سبيج يابنت الزهرة

نودعك يخوية ونروح ابضعينة
قطعنا البرارى ابمشينا انولينه
وداعك ياشهم يروي جراحاتى
چنت تمسح تراب البيه خطواتى
تحدنا الاعادى وتصرخ عليه
يسبنا الذبحكم وبسياط يجينه
يمن وسط القلب تسمعها آهاتى
لچن بعدك بقت عالقاع عثراتى

من الشام يويلي أشوف البلية
يشتمون أبوية ويفزون علية
حقدهم على فى الحملات يتخطر
إذا يغضب يزلزلها مثل حيدر
نواصب خوارج على الله ونبيه
يسألونى وينه كفىل الحمية
وكاشف كل بلا عن وجه ابوالأكبر
يخلي الكوم وسط الحومة تتعفر

مرّت أجيال واحنه عالخدمة ولا تغير عهدنا
والله لا زال هالبجي نتعلمه احنه بمهدنا
نعرف الحال العدو شاهر سيوفه كلها ضدنا
نقطع أميال من نروح إعلى الزيارة ما يحدنا

نحضر المآتم هيّة إلتم شملنا
نسمع المصيبة مالحظة جف دمعنا
نحفظ المواكب وإعلى الصدر لطمنا
بهالشرف نفاخر بيه ارتفع شأننا

إمن الرضاعة نرضع بصوت النعي ونسمع عويله
هالمناعة تجري ابدننا بأثر فطرة أصيلة
والبضاعة واجب انسلمها محفوظة وجيلة
للشفاة احنه غير حسين ما عندنا وسيلة

الحزن نعيشه موبس ليالي عاشر
تبتدي الرزايا عند العقيلة باجر
للسبي أسيرة دم تكزف المحاجر
ويلي من قلبها خيمة إلى الحراير

ياليلة فجيعة إعلى بيت النبوة
عظيمة المواقف بوداع الإخوة
ياليل امن الأسى محفورة ساعاتك
تظل طول الدهر هم تبقى حسراتك
دهر بالنوايب من الدم تروة
على الغبرة صرعى ومسبية قوّة
إعلى زينب بالألم ماتهمي دمعاتك
بليلة احدعش لليوم جمراتك

سوادك يفتح جروح الي بيّه
تزيد ابوجهها مدام رقيّة
هدية قدّم الطاعي لها ابظلمة
حزينة شبكت المذبوح وتشمّه
تذكرني وحشة بنات الزجيرة
تتادي يبويه ماترجع إليه
تعرفه بالطشيت راسه أبو اليمّة
بعدها ماتت بعظم الألم يمه